

新鄉

92555

70.11.77

34.2

部二:126

縣志

卷首之六

序
圖說
名氏
凡例
目錄
表

第一冊

新鄉縣志

新鄉縣志

卷一

明萬曆
甲午年
季夏刻

新鄉縣志序

一縣之志猶一國之史也舉凡土地之肥瘠戶口之增減賦役之煩簡風俗之美惡人才之盛衰胥於是徵之自事變以來舊日之版籍均毀於兵燹苟任其銷沉恐世遠年湮必至文獻無徵余承乏桑梓愧無建樹爰搜羅新舊志之僅存者付諸印刷庶一邑之典章文物皆有可考不至等諸杞宋之無徵每一展卷則知土地之肥瘠而可施補耕助歛之政知戶口之增減而可施勞來休息之方知賦役之煩簡而可施調劑均平之法知風俗之美惡而可施潛移默化之術知人才之盛衰而可施振作教導之則由是觀之縣志之功用豈淺鮮哉奈時局倉黃補苴未暇自慙學錦時欲引退夫吾新邑地當衝要日臻繁盛一切設施則尙有待於後之賢有司民國三十年季冬縣知事郭培基序

新鄉縣志

序

一

新鄉縣志序

歲在庚申余自湯陰調任緡閱縣志即擬重脩而鞅掌簿書未及也如是者又數年乃得博采群編旁搜故簡邑內之殘碑斷碣亦罔不訪求摹榻以資參証其故家遺族學有淵源群稱碩彥者判牘餘閒相與諮諏商榷復進諸生之賢而有文者令其編纂綴屬而余親加裁定焉補舊志之缺刪舊志之訛稍仿史體爲十一圖四表十九志十二列傳夫志以彰往示來亦非徒徵文考獻蓋其事甚難何可苟焉而已哉卷帙粗完移官武陟匆匆付梓深愧踈蕪嗣而脩之是在作者時乾隆丁卯榴月下浣知新鄉縣事奉新趙開元序

新鄉縣志

卷首

舊序

舊志序跋

萬歷己卯新鄉縣志後序

嘗謂禹貢地志也乃經中之史自周禮有小史掌邦國之志而後之志郡邑者宗之稽往牒以鏡前修志顧可少哉新鄉古鄆地在金元爲衛輝路逮我皇明混一區宇建縣隸衛當秦晉燕魯之孔道丁丑夏來令茲邑甫下車首詢故志蓋僅自陽谿王公嘗一草創之而竟未就文獻無徵考詢奚賴予用是惴惴懼矣爰謀諸耆彥李公承寶郭公從可相與遠稽古籍近搜舊帙嚴義例覈名實析爲七卷七卷列而邑之大略備矣夫志者經世之具有裨于實用非徒以觀美爲也是故觀于戶口之豐耗而知勞來休息之方觀于賦役之繁簡而守劑量均平之則觀于土田之肥瘠而嚴改竄冒隱之禁觀于風俗之美惡而審化導轉移之機觀于人才之盛衰而急作新課教之法其他循星土以察災祥窺形勢以示守禦修陂塘以時蓄洩秩祀典以昭崇報凡此皆邑之大事皆志之所以爲訓也予不敏方懷製錦無能乃幸邑有賢者亟成是書朝夕省覽以爲酌古準今之助其庶幾可免于大戾也夫若曰因其質而文之訂其闕而補之則有俟于後之君子萬歷己卯知縣會稽余相跋

萬歷甲午新鄉縣志序

新鄉隸衛郡康叔舊封也傳記孔子適衛嘆生民之庶垂富教之訓是民非富教奚以立然文獻無徵即富教曷稽焉此志之所不可缺也乃邑當八省午道供輸繁難有司者惟簿書送迎是驚志自弘正以前皆不可考嘉靖初邑侯茹公始輯成編歲久散佚脫略無次萬歷丁丑會稽余侯復徵邑人靈山衛教授李君承寶暨先封君黃岡公景次遺編參考省郡二志通典諸書閱歲餘脫藁成帙歷今幾二十稔中間政治之得失賦役之增減公署之廢置物產之豐耗與夫戶口多寡人物興替俗尚推移前志所不及載者更多也歲甲午廣武盧公蒞政三年績成報最將被內召行矣復有慨于斯典曰政以頌治志以詳政春秋令尹子文以政告新令尹孔子嘉其忠邑之乘皆政之錮也任其缺略而弗脩則治體民風今日不習來將奚鏡乎爲禮博士唐君陳君主其事而簡弟子員之醇博者偕次焉剴繁補缺視昔益脩開卷犁然嗚呼政不在茲哉公因問序於余夫往志庭梧已序之矣又何加焉雖然志者因時紀事因事宜民匪他圖籍埒一成而不可變者初公之下車也值頻歲荒祲民靡安業公軫瘡痍務休養生息而不妄嘗以操切之劑如平徭役減條鞭裁供應緩徵輸蘇驛遞撫流移興學造士修廢舉墜要皆一邑之重務而可傳也來者披卷究心嚴輿地之防明建置之規核政教之實鑒官蹟人物之臧否及選舉藝文之升降並採成事使民者繼庶而富繼富而教追孔聖之訓還康叔之舊

新鄉縣志

卷首

舊序

二

皆不朽之澤矣忠猷孰懋焉用是不揣謏陋而申言之萬歷甲午季夏都察院右僉都御史邑人郭庭梧序

余歷覽吾邑風氣之會左王屋右淇澳黃河經其南衛水絡其北神禹之平成殷湯之允殖康叔文武之作新與夫比干共姜之所爲忠義岳武穆北征之所爲克捷後先輝映而今銷落之餘寥寥盡矣嗟此遺黎一困於災疫再困於饑荒三困於征輸星火之急逃者未歸死者過半令此者扶凋起瘵之不遑何遑於志邑之有志創自嘉靖茹侯逮萬歷己卯余侯重加增訂亦既備美可觀矣然時有久近俗有沿革事有增損制有合違此際正需司馬才膺纂述任者邇敬南盧侯來令茲土三年政通人和暇取邑志以屬博士唐君俾與邑之博雅者共剖見聞而侯復一一釐飭之既成命余序諸簡余惟史國之大典而志則郡邑一大典也必其該而核確而瞻非可以苟且了局者也嘗聞之汾陽孔氏云邑令之務有急於史者文書盈於几閣則應務之難車馬填於道路則奔走之難掾吏委於刀筆則檢閱之難功課析於米鹽則催辦之難且歲月無久任之時載乘無世家之系欲以博咨精究昭垂不朽可易言哉迺侯於撫字之餘首注於是殫心焦思遠稽近考竟成鉅牒一展卷而新邑之四方上下往古來今公私鉅細無不鏡鑑而燭照焉迄今按其所載若躔次嚴而欽若昊天者益有資山澤詳而祖識地德者益

有據宜蹟續而益可以觀政在國人物備而益可以觀俗在野賦役戶口犁而益可以驗休息
滋養風尚規制列而益可以勤挽回補救記頌詩賦彙而益可以彰察勝跡昭著人文土宜庶
植畢舉而益可以殫人官之能別物曲之利侯真大有造於新邑也已若夫崎行異政振敝蘇
疲庶幾復見先王之舊事事入人心版又豈筆楮所能盡哉萬歷甲午六月都察院左僉都御
史邑人梁問孟序

郡邑有志倣列國之史也詎能外言與事哉建白謂言文章亦言畫一謂事損益亦事道有升
降政由俗革後之視今亦猶今之視昔迺其中增廓變遷歲月不同而歸純反正勢必循其近
而入以漸譬之水狀習坎而輒止下何以承其波此續志之不可缺也新鄉之志肇修於聖天
子己卯之禩則李外翰郭封君余令三君子纂成之名列志中茲不述歷今星霜幾二紀矣余
庚寅來視邑篆見其地頗膏腴民多遊惰往往急私緩公逐末棄本及考舊志詢故老又有未
盡然者豈世變爲之乎夫三代好尚小人且有弊焉氣運循環盛世不能強也儻紀載有據君
子視以爲從違世道或賴之矣予始至遭災疫甫紓庶務廢閑租賦繁難拮据而未暇越四禩
爲今之甲午始協邑博唐君仁喚陳君至言新君有德採集彙附以續二十年中之言與事遠
存創始之舊近列增益之規上接旁蒐之略下昭考據之詳鑿鑿實錄鄉大夫序諸簡端文獻

新鄉縣志

卷首

舊序

三

以彰矣予叨司牧是當爲一方淳典則也得以跋之併付剞劂氏云萬歷甲午知縣永年盧大
謨跋

崇正新鄉縣志序

余讀南史稱顧野王著國史記傳及輿地志而江南典章文物賴之以存昔鄭端簡著吾學編
凡論述必究悉於其人之家乘輿頌考遺問寔而不敢臆斷是以可信可傳我明興刊行一統
志而又有省志郡志縣志各紀方物不既多與蓋一統志識其大也病略而不舉至省郡縣而
加詳焉則識其備也然繁而不寔穢而不正亦其病也武功小邑也經康對山操觚而海內推
尊然則家乘輿頌考遺問實固非縣志不備若闕焉若略焉即有絕代手筆黼黻國史又何據
以爲信從乎故寔而不繁正而不穢即足以殫究典實昭示來茲非僅僅小物之勤也吾新邑
舊無志始自嘉靖茹公至會稽余公而成帙迨永年盧公復新之一邦之書獲有完策觀梁郭
兩中丞序言風雅足述焉迄今四十餘年未經編輯能無盛衰治亂今昔不同時因革損益前
後不一規者乎况吾邑于衡稱材藪諸先達簪筆奮起者若馬郭兩君子皆後先館局司國史
而於鄉里風尚顧未有筆削豈其有所俟與方余授館員繙有志而未逮再隸西掖羽書日數
上又未能磨墨問前徽也安化米公 雅夙尚而嫻於武略保障禦侮之暇披觀邑志遂命一

時多聞之士訪故家之傳求長老之說相與討類而修舉之燦然明條矣遣使問序於余余謂
茹余草創者也草創者見其大端而已米公修飾潤色者也將奮起而續顧野王鄭端簡之爲
文之爲人豈徒記名姓而已哉異日參錯總志宣付國史將與武功共稱不朽矣米公弭盜修
城清蠹救災善政堪垂青史者不一又何煩縉彥之贅云崇正十三年季春兵科都給事中邑
人張縉彥序

順治新鄉縣新志序

時在屠維大淵獻少司空坦公先生捐余曰吾邑新鄉舊有志然於古多略如牧野汲冢黃沁
河渠柏舟鄘風等悉不載懼其闕而莫攷也是以更爲一編名曰新鄉新志今將成子其爲之
序余受讀未竟作而嘆曰甚矣先生之嫻於史也夫今之志即古之史大之紀一代之興廢與
夫一國之山川土田民物風俗及當時君公卿大夫言動之微惡以昭勸懲垂將來推之一邑
一鄉之有紀載取義皆然典至重也故孔子言夏禮之禮而病杞宋之無徵則往事之不可不
詳昭昭已新鄉雖於今爲邑然在成周本康叔封域親沐作新之化地接太行王屋蘇門百泉
諸名勝咸在襟帶間衛水繞北郭潞洹而東靈秀所鍾今昔一揆觀感之資足述者殆指不勝
屈如之何其可或遺也故先生之爲此志也殫精探索自唐虞以降四千年之故實莫不臚若

新鄉縣志

卷首

舊序

四

列眉幽而象緯顯而流峙微而淑慝條三才之理綜萬彙之情或瞻而覈或簡而該則之作者
之林蔚宗以還定當避席洋洋巨觀哉乃余讀是編而更不能不有慨於中者前此二十餘年
間蓋嘗兩過是地初至之日但見其受東西之衝輪蹄接踵民歌勞止然猶存熙穰舊覺尼山
哉一嘆依稀未遠及其後也則滄桑幾更原野非昔獨雉堞巍煥郊關以外故壘尙新耳嗟
乎有興作即有征輸有變遷必有治亂天下者一邑之積也俯仰興懷何能不望於修救之人
今者景運維新新鄉爲河朔名區承流最邇凡蒞是土者攷古証今察戶口登耗之由究治化
升降之故往事足師不越几席而得之乃無負先生以志爲史之苦心云爾順治己亥秋日大
學士劉正宗序

蓋聞天道無常故星日有薄蝕之變地勢至厚而陵谷有遷移之時然其間幹旋轉運俾三辰
不失其次河嶽咸循其紀則在乎人事之修舉而已人事修舉責諸君相而史臣之職實爲之
龜鑑故曰域中有三權曰天曰君曰史官此非虛言也史在於朝則爲一代之書史在於邑則
爲一邑之志顧不重哉新鄉古鄘地殷先王之膏澤沐浴最深其後雖染于妹土而保乂之化
肇自孟侯殆與伊洛豐鎬同其熙洽其析汲獲嘉二邑地置新鄉則剏于隋累代因之山川形
勢左孟門而右太行人民風俗勤播種而尙孝弟洵河朔要區哉前志雖有可觀兵燹之後因

革固已不同名公碩儒之懿行騷人文士之纂述更多未脩適大中丞膠侯賈公持節豫州檄郡縣各修厥志新鄉之志則請于少司空坦公張先生曰先生慘觚司海內文衡久矣若然藜天祿之閣則當上繼龍門扶風助是非賞罰之權茲一邑之志聊據所懷其鄧林之一枝而崑山之片玉也歟先生曰是役也余不可以辭于是含毫吮墨纂要鉤元詢諸故老之傳聞與夫貞珉之鐫刻且傍採博蒐自經史以及諸子百家里歌巷謠凡有關涉莫不摭摭網羅無所迭替至於恒星分野七政東行之說則又與余投書辨論而先生獨得其精微然則雖一邑之志君子觀之以爲有良史之才焉余故樂爲述而敘之俾後之覽者知夫一邑之中亦有天地古今之變恢宏瑰偉之觀而幹旋轉運安民阜物必有待于邑之良有司與鄉之耆德而好學者此物此志也夫順治己亥八月大學士柏鄉魏裔介序

將以是非得失興壞理亂之故而爲世戒則必得其所托而後能傳久遠而不廢則史是也緣史而降省有通志郡州邑有耑志其取義皆裁於史亦有與史異者蓋史于善惡無所不書而志者蓋一區之中其山川人物文章風俗之美懼後世之淹淪磨滅而無所傳也志而存之苟其山川之陋人物之惡文章風俗之倫薄而不倫皆不書此其所以與史異也然所以存勸懲脩觀效使善人喜其見傳則勇於自立惡人無所紀取則以懼且悔蓋亦有微權焉世之衰也

新鄉縣志

卷首

舊序

五

子孫欲褒揚其祖父而不本乎理道邑之公卿大夫懼蓋棺之無以見書於史也思欲托於志以傳立言者皆莫之拒而不爲又且迫於其情也書其惡焉則人情之所難出於是乎志始不寔志不實而作志之權始不尊後有作者當觀其人苟托之非人其所書非遺則濫遺且濫故不足以行世而傳久遠雖一邑之中其有嘉言善行迄一節之足傳者亦皆湮滅無聞然則受是托者非具識力而能文章鮮能勝任蓋具識力者於人之善固不能欺而於人之惡亦無能掩如是則不遺不濫矣苟其言之不雅馴則難以致遠故又在其文辭之工焉新鄉坦公先生所稱具識力而能文章者也其邑志雖奉豫中丞賈公檄實出先生之手酌舊志之所詳略而一衷於理道既無所遺又無所濫洋洋乎大觀也哉史家首推班馬嘗考遷自作史記恣所欲言而固奉詔爲漢書不無避忌遷文豪俠而固謹細固其所也先生今日無功令迫於上無子孫陳情於下恣所欲言則斯邑山川之美人物之盛文章風俗之厚朴而簡重得托先生行世以傳久遠無疑也予山居病廢先生雅意貧交一歲中書常三四至焉予曾東入魯有遊講爲予刻之濟南及與及門子答問數則又爲刻之武林會修中州通志中丞公以予爲托予慮不勝任辭之至再先生則移書教予曰此係河洛淵源辭何爲也嗟乎予烏乎無辭昔薛方山修浙通志七年始成孫文忠修高陽志亦十餘年始出以示人二子者其文章識力爲何如也矧

予識閭力薄衰老不文辭固其宜今於新邑志固不敢謬托曰游夏之弗贊也順治庚子春日徵君容城孫奇逢序

舊史氏曰古今載籍惟經與史而六經之中尚書春秋皆史也自馬遷而下曰紀曰書曰考曰志皆史也自通省有志而郡而縣各紀方土軌物不存史之意微矣何以文爲郡舊有志自余侯相始也事出草創其意甚勤而考稽未備于事則近畧于簿書案移則近蔓略與蔓不可以史即不可以志余承中丞賈公命與傅巖許公商榷更編之定爲九志輿地則考于郡縣所自始星野則辯於室壁所由分建置粗存其制田賦深究其敝河渠則黃沁衛丹利一而害十焉若官師若選舉若人物跡其行事往往足以垂效法式來茲焉夫東璧古稱文章之府牧誓鄘風以來唐宋元明各有著作或存古人風徽或著今人姓氏要以嗣美前代風勵後裔而已舊志七今增星野河渠而九其曰新志者雖出別纂終不敢沒前人之志也順治己亥仲秋既望工部右侍郎邑人張縉彥序

新鄉縣有志舊矣代當鼎革雖山川不改風俗如故而星移物換昔是今非不有作者後何以觀大中丞賈公來撫兩河胥省志而新之已命余書末簡新鄉志寔坦公先生操觚而編次焉舊志輿地建置賦役官師選舉人物藝文七則今增星野河渠而九集成題曰新志明有辨也

新鄉縣志

卷首

舊序

六

余讀竟作而言曰此春秋之義何可作邑乘觀也披覽歷代方域諸書皆紀其山川風俗人物之美而史法無聞焉以地志而存史法自武功志始今新志倣此意也其文則經其事則史傳其信不傳其疑如虛糧塚蓮瑗里皆舊志之所載而新志之所削也載於今必稽於古如武穆戰壘漢壽亭侯斬將報曹歸劉皆新志之所詳而舊志之所闕也輿地建置必考其沿革見王者非易地而王也星野不信西學廢占驗見聖人敬天而治也賦役有制河渠考舊見良吏不違民而理也紀選舉不以一事槩生平定人物不以官爵分軒輊官師自長吏下及文學丞尉之末一事必書不敢忘焉不敢諛焉其論嚴以正也脩載尚書毛詩諸編其藝文又何雅而馴也古者採風問俗貢之天子而歌於朝廟詩亡而春秋作是史而經者也新志以一邑之記述而關天象災祥人事得失風俗淳駁之大是志而史者也此春秋之義也何可作邑乘觀也順治己亥太僕寺少卿邑人許作梅跋

康熙新鄉縣續志序

新古故朝歌地也周興分北爲邯鄲而新屬於邯自漢以後屬河內郡迨隋析置新鄉蓋取諸作新之義云爾其地孟門列其左太行峙其右南望大河美哉洋洋西控上黨雄城百雉斯則一郡之形勢而新與同其勝者也若乃衛水滌帶丹流旋繞稽仙茅之故續闕百源之清

輝探奇覽異新固未多讓焉夫古者輶軒所歷必誌其地土風俗以鏡其政治而獻之於王今新擅疆域之美當星輶之衝採風者所必及焉顧使其方名人物殘缺不修其何以脩職方之所攷儲石室之所藏乎維大中丞閻公秉鉞天中體天子寧民阜物之意日夕孜孜求臻至理利舉弊革乃殷懷于文獻之實將以光玉燭而輝煌之麟以猥劣承乏茲土捧檄之下蓋其嚴其慎也因思夏殷之世有左史右史周則有大史小史內史而諸侯之國亦置史官今省郡州邑咸以志稱倣古年表紀列傳志之名而統以志括之是紀傳寓以編年要在繁簡得宜因革互見如憲檄所稱必信必徵始足傳後旨哉言乎夫由省而府而縣若大宗之有小宗也若經星之有緯宿也地晰則任專故事府之志統其綱而縣志必悉其纖新邑舊有志矣乃延宿儒耆碩鑒舊本參近事遵憲檄所頒義例編輯成書或昔無而今有或昔略而今詳或昔訛而今正總以無敢慢之心行其無所苟之事而已麟既乏三長罔識慘觚幸與諸賢證據不爽所願剖劂既施俾斯邑之士若民披覽而指之曰某星某野是吾世澤之所依也若賦若役吾庶民之所急公也陂澤桑麻吾士女之所沐浴而歌思也人文之美政治之傳是風氣所以日開而太平所以勸黻也其小人服先疇君子修德業而官斯土者法戒亦以昭焉異日太史採風誌銀管列貞珉光前而示後所繫必非淺鮮然則大中丞重修之檄固于土壤細流將以觀其所

新鄉縣志

卷首

四序

七

積矣時康熙庚午孟冬知縣遼東周毓麟序

誌何爲而作也古者採風有使十五國之歌謠貞淫畢具後之人取一方風土筆之於書以待問俗者之博稽蓋亦有詩意焉古者列國有史故春秋亦列國之書而孔子因之今之郡縣長古諸侯也考文徵獻以彰往而察來不可謂非春秋之遺也得詩之意以法春秋之遺而誌之作於是不可已吾邑古鄆地爲衛附庸自制置以來屢廢屢建今日南北往來稱孔道焉前代不具論勝國以及我朝其間雖遠近異時質文異致新舊皆有成書班班可考也迺己亥而後歷年已三十於茲昔梓漸敝後事未登將何以修觀覽昭勸戒乎圃臣周侯下車日卽有採訪纂輯之意彼時百務方興修廢舉墜之是亟何暇及此越七載政成矣適會大中丞閻公以修乘之役徧檄兩河侯於是爰進薦紳先生博採詳說摭摭佚文哀舊益新而經營之時則劉子子靜許子紫陽及余小阮羽詵謹承侯命共襄厥事開局之初走函京師而聞於余余曾作管見數則以貽之書成復自郵筒賫稿而屬之序余以爲吾邑太行之蜿蜒西來衛源之潞河東注舉目山河之舊風景原自依然即過牧野而興思望岳壘而生悲與夫瞻仙石佛新奇可喜之故事亦無事再爲點綴惟是邇來天道不常民生多變如城郭圯矣奠之金湯者誰與康庾空矣致之充牣者誰與文教廢而武備弛矣宏作人之化而厯不虞之戒者誰與蓋時與事兩

值其難官與民交相爲瘁矣是編也義例雖不越舊志之遺而一邑中政事損益災祥徵應田賦戶口之登耗鹽政河渠之格例驛傳胥役之供費官師人物之隆盛莫不燦然明備而又終以藝文雜志大易臨觀之後受之以賁所謂觀乎人文以化成天下也至夫關風教切民瘼者則尤其筆削之大端而實皆周侯體國經野之實政三子者斷不加浮辭瑣語於其間耳考其地而如親康叔武公之遺觀其民而猶存三代之直寧得曰今之所爲志僅政譜也而不可進於經術也哉余以王事馳驅不獲如願今從千里外樂觀其成嘉吾周侯深知治體而能不負茲守土也更嘉吾三子諳練故寔儼然爲一方獻章所攸寄也於是乎書時康熙二十九年孟冬戶部員外郎邑人任璿序

新鄉縣志

卷首

舊序

縣志名氏

鑒定

巡撫河南等處地方兼提督銜節制全省軍務兼理河道都察院右副都御史碩色滿洲正黃旗人

提督河南全省學政日講官起居注翰林院侍講蔡新福建漳浦人

河南等處承宣布政使司布政使王興吾江蘇華亭人

河南等處提刑按察使司按察使今陞安徽布政使舒輅滿洲正白旗人

河南等處提刑按察使司按察使富明滿洲鑲黃旗人

河南分守糧儲驛鹽道金山滿洲正黃旗人

河南分守彰衛懷兼管河北河務水利兵備道胡振組順天大興籍浙江山陰人

河南分巡開歸陳許兼管河務水利兵備道沈青崕順天大興人

河南分巡河陝汝兼管水利道張學林江南丹徒人

河南分巡南汝光兼管水利道崔琳山西永濟人

河南分巡南汝光兼管水利道任宏業浙江山陰人

裁定

新鄉縣志

名氏

九

衛輝府知府廣安滿洲正黃旗人

衛輝府捕糧鹽水利通判史弈瓌江蘇溧陽人

纂修

新鄉縣知縣趙開元江西奉新人

參訂

州同管縣丞事楊銘侃江南武進人

儒學教諭潘德人杞縣人

繪圖

新鄉縣典史韓嘉正順天大興籍浙江上虞人

蒐輯

戊午科舉人楊俊邑人

分編

辛酉科舉人郭均邑人

丁卯科舉人郭泓邑人

戊	申	科	拔	貢	生張應桂邑人
丁	巳	科	歲	貢	生牟文謨邑人
乙	丑	科	歲	貢	生李三德邑人
廩					生王曰俞邑人
廩					生郭壘邑人
廩					生郭洲邑人
附					生張來震邑人
附					生王體巽邑人
附					生殷元禮邑人

新鄉縣志

卷首 名氏

一〇一

舊修姓氏

明萬歷己卯志知縣余相編次邑人李承寶郭從可纂集梁問孟郭庭梧參閱
明萬歷甲午志知縣盧大謨教諭唐仁喚訓導陳至言析有德纂脩邑人梁問孟郭庭梧參閱
郭庭檜王毓岐梁賓孟李一桂趙九德張問善梁旭徵南宿郭澆郭磐蒐採
明崇正庚辰志知縣米壽圖編次邑人張問仁郭澆張縉彥參閱梁祚明張縉彥郭士標路嘉
言李思謙趙民表趙時英楊美才蒐採
國朝順治己亥新志中丞賈漢復鑒定邑人張縉彥纂許作梅閱淦陽張潛鄢陵韓則愈江寧
紀映鍾錢塘王嗣槐杭州張剛孫邑人張鳳起蒐採梁祚明郭士標任文暉楊毓蘭劉源潔南
起鳳于芳劉源湛張欲含周嗣昌參校
康熙癸酉續志知縣周毓麟李登瀛鑒定邑人任昌期劉源淵許爾梅劉華樓趙作楷纂脩邑
人任璿評閱洛陽郭如岳邑人周嗣昌段廷琯郭晉熙白受采暢泰徵南周南馬斯良馬斯祖
王鼎泰正候官王丹校訂邑人張翼展任琰白生色孟鏞王三重趙溥仁呂方路所學蒐採

凡例

一邑志自明萬歷茹令鳴鉉始輯成書余令相復脩之茹志未付剞劂故其書不傳余志亦復散佚今所存者明萬歷盧志崇正米志 國朝順治新志康熙續志而已盧米二志悉仍余志之舊續志本新志而成諸志互有短長間有採用必著所自不敢掠美

一郡縣志必首列圖有圖即不可無說鄭夾漈作圖譜略謂天下學術皆在圖譜有書不可用者天文其一也書以濟圖之窮故於圖下綴說以便省覽

一舊志先立輿地天文建置等名乃復以諸類屬之然按其全部繁而未該今竊附史例首列圖說表次之志又次之以列傳終焉

一沿革爲開卷眉目新鄉爲古鄆地屬郡隸州分併不一考諸史冊晰其原委而立表焉有國邑斯有封建則封爵可類載也秩官一邑之尊者也選舉一邑之賢者也悉表其時代以明鄭重之意

一秩官不論有無官績例得入表而衛所等官舊志未經採入今民賦已歸縣轄其職久廢然前此之官斯地食斯土者不增列不可也舊志列薦辟於科目之前今州縣起家每由科第而薦辟則曠典幸逢故首科第次辟薦次明經其應例武途另爲一表附以雜進仿漢取士

新鄉縣志

卷首

凡例

一一

之遺意終以封陰無軒輊云

一志有星野宜首列以見地統于天之義舊志次天文於輿地之後今改正之至疆域見幅員之廣形勝亦所以察於地利也鄉都屯營布於疆域者仍附載焉

一山川城池關梁學校公署皆志之大綱附以城堡郵傳書院義學社學各以類從也民生休戚耑視河渠脩載今昔創脩之不同與工役之先後故卷帙爲特詳

一戶口賦役關係最重歷代貢賦不一前明始有全書 國朝承平日久樂利無疆其沿革損益亦復因時變通衛所歸併縣管丁則永不加賦 廟算鴻謨高出千古茲特條具源流詳爲登記附列郵政紀 殊恩也至兵防識地利之險風俗覘民好之同物產詳土宜之性皆切務也徵實紀之用資考鏡

一古人雖遠遺蹟猶存緬其風流不令湮沒附以園亭選勝也坊表爲一邑風教之樹非直美觀統以名蹟分爲上中下卷

一藝文志祇立書目不選詩文各史及鄭氏通志皆然否則是文選體非藝文志體也書目之下附錄原叙蓋藉以參觀作者之行誼抑於鴻文典冊庶幾窺見一班卷帙雖繁非徒夸靡一祠祀邱墓紀必徵實敬鬼神重賢哲也邑中事實備矣舊志災異今易爲祥異此外殘編軼

事薈叢而成非敢稱治聞供博物也

一舊志列宦績于秩官志後今爲列傳亦史家紀循吏之意且以示勸也人物以類相從不以先後爲叙非敢區分流品恐有昉非同傳之譏也至閨門節烈詳記無遺以列女統之冠以勝朝世廟貴后明有尊也舊志未列方伎仙釋僑寓茲悉增入焉

一舊志簡而未該義例亦未盡善今仿史體爲圖爲表爲志爲傳計三十四卷庶幾綱舉目張敢云考據精覈至他志有論有贊仿後漢書然世頗譏其贅不敢尤而效之也

邑志之脩前明而後 本朝則王令克儉周令毓麟延邑人增輯其珥筆姓氏志序可考迄今又五十餘年矣余公事之餘復理殘編濡筆伸紙而此邦人士如暢孝廉俊熟於掌故出其舊纂若干卷頗稱淵雅乃取舊志及暢稿與邑中紳士從事排纂顧以委檄頻仍又兼攝篆馳驅道路作輟者不免焉若夫文章之短遠遜昔人特不敢因陋以就簡更不敢誇多以門靡此則余之苦心也

新鄉縣志

卷首

凡例

志目

卷首

序 舊序 脩志名氏 舊脩名氏 凡例 目錄

卷第一

圖說

室宿 壁宿 縣境 縣城 縣署 學宮
縣南書院 山 水 黃河故道 沁河故道

卷第二

表 沿革 封爵

卷第三

表 秩官上

卷第四

表 秩官中 秩官下

卷第五

表 選舉上

卷第六

表 選舉下

卷第七

志 星野 疆域

卷第八

志 形勝 山川

卷第九

志 城池 城堡附

卷第十

志 關梁 驛傳附

卷第十一

志 學校上

卷第十二

志 學校下 書院義社學附

卷第十三

新鄉縣志

卷首

目錄

志 公署

卷第十四

志 河渠上

卷第十五

志 河渠下

卷第十六

志 賦役上

卷第十七

志 賦役下 郵政附

卷第十八

志 兵防 風俗 物產

卷第十九

志 名蹟上

卷第二十

志 名蹟中 名蹟下

卷第二十一

志 藝文上

卷第二十二

志 藝文中

卷第二十三

志 藝文下

卷第二十四

志 祠祀上

卷第二十五

志 祠祀下 寺觀附

卷第二十六

志 邱墓上

卷第二十七

志 邱墓下

新鄉縣志

卷首 目錄

一四

卷第二十八

志 祥異 拾遺

卷第二十九

列傳 循吏

卷第三十

列傳 人物上

卷第三十一

列傳 人物下

卷第三十二

列傳 宦望 孝友 儒林

卷第三十三

列傳 文苑 廉介 義行 方技 仙釋 僑寓

卷第三十四

列傳 列女

目錄終